

## Helburua: Ipuin luze baten kontatzea eta gertakarien haria gogoan hartzen ikastea

«Elkarrekin testu bat irakurriko dugu: **Telelabirintoa**

*Testuan sartuko zarete paragrafoz paragrafo.*

*Paragrafo bat erakutsiko dizuet, isilik irakurriko duzue, zuen gogoan biziaraziko, egiazko edo irudimenezko egoera irudikatuz.*

*Ondotik testu zatia gordeko dut eta segundo batzuk utziko dizkizuet gogoetatzeko.*

*Zuetarik batek ulertu duena bere gisan kontatuko du.*

*Paragrafo berriak, bat bestearen ondotik erakutsiko dizkizuet. Paragrafo bat irakurriko dugun aldi oroz, zuetarik batek hastapenetik kontatu beharko du.*

*Prest zarete?»*

# **Telelabirintoa**

New York-en hemeretzigarren astea hasia zen. Argi zirrintan piztu egin zen  
Anaizen ohea.



Gela argitzean, boz ezti batek «Egun on. Gaur 2050ko hemeretzigarren astearen lehena da. Egun on. Gaur 2050ko hemeretzigarren astearen lehena da» Anaiz jaiki arte errepikatu zuen.





Orduan bozak: «Sigmak zuri egun on bat» erran eta isildu; leiho-ohola isilki lerratu, argi artifiziala itzali.







Kanpoan egunsentia. Building arteko pasagiei esker, karriketarik ez zen zeru izpirik ere ikusten. Plazarik ez. Zuhaitzik ez. Hiria, dena karrika zen. Ez hain tristea, buildingak era eta kolore guzietakoak baitziren.





Aireko batetik begiratzuz, aldiz, karrikak eta building multxo baten teihatuek letra greko baten era bazuten, E (sigma) handi batena.







Han zelakotz hiriko Gogoaren Tenplua, Sigma S.A.-ren laborategi eta bulego handiak. Han U.S.W. (Munduko Estatu Batuetako)etako ordenagailu nagusiak. Bai eta Sigmatar batzuen bizilekuak ere. Han bizi zen Etxeberry'tar Anaiz.







Zergatik horrela irakurrarazi dizuet?

Zer ikasten duzue horrela irakurriz?



# Telelabyrinth

New York-en hemeretzigarren astea hasia zen. Argi zirrintan piztu egin zen Anaizen ohea. Gela argitzean, boz ezti batek «Egun on. Gaur 2050ko hemeretzigarren astearen lehena da. Egun on. Gaur 2050ko hemeretzigarren astearen lehena da» Anaiz jaiki arte errepikatu zuen. Orduan bozak: «Sigmak zuri egun on bat» erran eta isildu; leiho-ohola isilki lerratu, argi artifiziala itzali.

Kanpoan egunsentia. Building arteko pasagiei esker, karriketarik ez zen zeru izpirik ere ikusten. Plazarik ez. Zuhaitzik ez. Hiria, dena karrika zen. Ez hain tristea, buildingak era eta kolore guzietakoak baitziren. Aireko batetik begiratzuz, aldiz, karrikak eta building multxo baten teilatuek letra greko baten era bazuten, E (sigma) handi batena. Han zelakotz hiriko Gogoaren Tenplua, Sigma S.A.-ren laborategi eta bulego handiak. Han U.S.W. (Munduko Estatu Batuetako)etako ordenagailu nagusiak. Bai eta Sigmatar batzuen bizilekuak ere. Han bizi zen Etxeberry'tar Anaiz.